

Okutoburukalo san 1999


## BAKURUBASANNI

(nimero 12 songo)

Mali kono = Dorome 300

Afiriki kono = Dorome 600

Jamana were = Dorome 1000



Kunnafoniseben bota kalo o kalo. BP: 24 Telefoni : 21-21-04. Bozola Bamako-Mali. San 27nan boko 333nan A songo : dorome 15

## Ben kera koori songo nagasili koloow kunben na


Koori songo binni dijne kono, o bëna bñeba lase Mali ma san 1999-2000 sannifeere waati la, bawo an ka kooriseneaw ka nafolo tineta kasabi be t'i jo sefawari miliyari 60 la.

Mali koorisene ciyakeda «CMDT» kuntigi Dirisa KEYITA yere de ye nin kibaruya jugu da mogow tulo kan, san 1999, okutoburukalo tile 21, bénkansében bolonobila kéné kan, minkera fangaso ni koorisene ciyakeda ni kooriseneawni njogon ce.

A y'a jira ko nin ye waati gelen ye kooriseneaw bolo dijne tonkun naani bëe la, kamaseror koori kilo kelen songo bora dorome 181 na ka n'a bin dorome 126 la.

Dirisa KEYITA y'a jira ko nin ko in te taa jijali ni gerente ni yere mine kó, mogow bëe fe, minnu bolo be koori baara la. Bolonobila in kuny'o yere deye bénkansében na u ni njogon ce. Bénkansében in kono, kooriseneaw jenna n'a ye u ka koori ka san u bolo dorome 30 kilo kelen-kelen. Fangaso jenna ni lenpo ni wusuru dòw binni ye. Koori ciyakeda fana ye layidu ta yelema donni na a baarakcogo n'a ka wale tow bëe la, ka bën ni degun waati in ye.

Mali minisiri min ka baara nesinnen don togodaw yiriwali ni jiko ma, n'o ye Modibo TARAWELE ye, o y'a jira ko



bénkan in nafa ka bon sira bëe kan, waati gelen in na. Ako bëe ka kunnawoloko don.

Min ye Mali nafoloko minisiri Sumayila SISE ye, o ye tanuni ni walenumandón ke ka nesin kooriseneaw ma, u ka fasodennumanya wale la, ka fangaso fana fo a ka fonisereya wale la.

A y'a nini togodaw yiriwali ni jikominisiriso ni koorisene ciyakeda «CMDT» fe, u ka feere bëe do tige ka kooriseneaw kunnafoi bénkansében hakilina sira kan.

Kooriseneaw ni baloseneaw ka sendika njemogo Yaya TARAWELE min tun be k'u joyoro fa kéné in kan, o y'a ka mogow ka nisondiya jira bénkansében in na, min bëna k'a siñefoloye, a njogonna

kuntaala ka dan san kelen ma.

Koori songo binni ye fén min jir'an na, o y'a ye ko jamana si man kán k'i jigi da a ka fén bayélémbaliw feereli kan kókan. A farati ka bon yiriwali ni njetaa sira kan. A jirala ko Mali kono bi, jamana ka fén minnu be feere kókan, o tila ni ko ye koori ye.

Nin geléya b'an waju feere kenemaw ninini na k'an ka fén bayéléma an yere bara, sanko koori, walasa ka nafolo sor'u la. O yoro la, Dirisa KEYITA y'a jira ko koori songo nagasili ye waatilako ye min te kóti. Misali la, a ko san 1979 ni san 1980 ce, san 1984 ni 1985 ce; san 1992 ni 1993 ce, Mali ye ningeléya kelen in lakodon koorisene na; w'a geléya te lateme fo san 2 jijalen kono. Ala barika la, an k'a jamana sera k'a yere bo geléya temenenw bëe la cogo min na, «CMDT» kuntigiba k'an na se k'an numan bo ninan ta fana na ten.

Salimu TOGOLA  
Basiriki TURE.

## Ofisi kono malo taari 1354 taara ji fe

Ba-Joliba doncogo kera boneba ye Ofisi malosenenaw bolo Segu mara la. Niinan sanji damine sumayara nka kabini a ye nali damine an ka jamana kono, a kera jibaw ye minnu ye tile 2 ni tile 3 ke suruli la. Baw ni dalaw ni jisigiyorotow bee fara, sanko Ba-Joliba, k'a damine Segu mara la ka taa koron fe.

A jirala ko san 1999, utikalo tile 31, sanji hakem min binna Lono mara kono, o sera milimetre 210 ma; k'a soro NDebugu ta kera milimetre 141 ye, ka Molodo ta ke milimeteri 236 ye. O jiw kamalilen y'u nesin maloseneyorow badingew ma, k'o walankata ka maloforow tununji la. O wale kera tijeniba ye Ofisi malosenenawma, bawoforosenenen taari 1354 ni ko bee taara jivoyo fe Masina ani Lono ni Molodo ni NDebugu ni Kurumari maraw kono. Jatemin y'a jira ko ninan sannifeere kadara kono, Ofisi bena bone maloton 8150 nognna na.

Mogfaamuyalenw'yajira koko jugu in be jorekun bo, barisa n'a lajera ji nemajlen na, Ofisicyakeda ka jalaki do b'a la. Ofisi ka baara kologirin do ye ji koronni ye, walasa an ka se k'a don an nena da fe. Ni bajitaara k'olu bolo dan, o te se ka na ni foyi ye tijeni ko forow kono.

A jirala ko kabini mekalo la, Ofisi badingeba tun falen don. O b'a jira k'u ka ciyakeda y'i mago bo a la, n'o te feere tun ka kan ka dabali kabini o waati. Maloforow labennen don cogoya la, min be ji ka tijeni bali, barisa ji be don fan kelen fe, nka n'a cayara foro kono, a be jigin fan do fe. Nka ni badingew ma ladon ka ne ji be forow lanogo.

Malosenenaw be wari min sara taari kelen jisongenkunkoro, Ofisi man kan cogosi la k'an balima cikelaw bone u ka wari la.

Alekisi KALANBIRI  
Basiriki TURE.

## Senfagabana boloci donbaw kunfolo

Senfagabana boloci donbaw kunfolo ni vitamini «A» dili denmisew ma, o bena ke jamana seleke naani bee la, sibiri ni kari, san 1999, nowanburukalo tile 6 n'a tile 7.

Denmisen minnu si be san 0 ni san 5 ce, olu bee kodon, hali minnu bolocira ka teme.

Nin wale man kan k'an si t'an bolo ma, bawo an denw ka keneya sinsinbere don.

An demebaga numan minnu be Mali kono, an b'a nini aw fe aw k'aw jeniyoro fin, i ko : «CMDT», «INPS», «OMS», «UNICEF», «PNUD», «USAID», «OROTARI» ni kenyereye jekulu werew, minnuy'u bolo moenobokeneya ni mogokorobaw ladonni ni bolodijogoma minisiriso ni boloci donbaw labenni jekulu nofe, nin wale nafamaba in na, min y'an bee kunko ye.

O tuma, mogosi kana to ko san 1999, nowanburukalo tile 6 ni tile 7, denmisew boloci la.

## Senfagabana boloci donbaw kunfolo

Senfagabana boloci donbaw bena ke Mali tonkun naani bee la, san 1999, nowanburukalo tile 6 n'a tile 7. Kerenkerenena la, vitamini «A» bena fara poliyo boloci kan.

Poliyo be hadamaden lanogoli min ke, k'a taamasenw faga, o bana te Ala ka latige ye, barisa boloci be se k'a kunben.

Densomogow, a'ye bo n'aw denw ye, minnu si be san 0 ni san 5 ce, ka tu boloci, hali minnu bolocira ka koro.

Poliyo be mogo lanogo bogobogo nka boloci b'i kisi i ka dijelatige bee kono.

Min ye vitamini «A» dili ye denmisew ma, a b'u ka keneya jidi, k'u tanga fiyen ma.

O tuma, an bee k'an kunda bolociyorow kan, sibiri ni kari, san 1999, nowanburukalo tile 6 n'a tile 7, walasa ninan boloci ka nesoro ni salon ta ye.

# BOLOCI DONBA SABANAN.



SENFAGABANA BOLOCI


NI

WITAMINI "A" DILI DENMISENW MA



B.D.S.

KUNFOLO : SAN 1999, NOWANBURUKALO TILE 6 NI 7.



### Ofisi di Nizeri malosenena dōw y'u ka foro feereli fisaya n'a bɔsili y'u la

Baarada min nesinnen b̄e malosenekow ma Mali kōnō, n'o ye Ofisi di Nizeri ye, o n̄emogow y'a jira ko nin san damadōw kōnō, maloforoko dabōra fēn min kama, n'o ye forow labenni ye, k'u feere malosenenaw ma, olu k'u baara, ka sōrō k'u la, maloforotogi dōw tē k'o k'a kecogo la tugun. Osiratige la, u y'a fō k'o forotigiw bōr'u jigi kōrō, ka masor'ū tun sigilen tē n'a ye, ko jamana n̄emogow ye dunkafako jōrē minē, ka maloforoko boloda cogo min na, cikela bē sōrō, min b'o bila bolo wēre kan. O bolo wēre ye foro feereli, wali foro bilali ye mōgō wēre ka bolo kan, n'o ye luwe, y'o tigi ma. Nin bēe bē k'e wariko de kama, dogo la, ka sōrō sēbenko t'a la. A maloforoko daminena ka mēen, ka sōrō, jiginhōgonna ma b'a la. Nka, taalen n̄efē, wariko nagamina forotigi caman bolo ka t'a fē. O kama, olu desera k'u ka denbayaw balo, u desera k'u ka forow sēne, u desera ka Ofisi ka jisongo sara. O ma ben Ofisi ma. O ma diya Ofisi ye. Ofisi m'o faamuya, ka d'a kan, sanjiko kera cogo o cogo, Ofisi ka ji maralen tē kōtige maloforow la, malosenenaw bē sōrō ke sijē fila san kōnō.

O jisongo min tun ye sefawari dōrōme 7200 ye san kōnō, o kera dōrōme 9230 yesisan. Ofisi jigi dalen bē jisongow de kan, K'a ka baarada musakaw b'u la, ka tila ka foro kura wērew laben. O cogo de la, foro minnu labenna, fo ka se sisān ma, olu bē ben taari 70.000 de ma. Nin bēe la, ni gelya donna jisongo saraliko la, o kōrō ye Ofisi ka baara joli de ye. Mōgō minnu b'a jini ka balan don Ofisi ka baara la, ka sōrō

Malibēe jigi dalen b'a kan maloseneko la, a t'olu to yen cogo si la, ka masor'ōlu ye yērēdōnbaliw de ye, wariko ye minnu haminankoye, ka temenfasoko kan. O kōson, kabini san 1995 la, n'o kera nanbara dontuma y'a foroko la, Ofisi n̄emogow wulila nōmineli la duguw kōnō. U y'a damine kangarida de fōlō la. U bē se mōgōw ma f'u ka sow kōnō, k'u n'u hakili jira nōgōn na. O ma fēn n̄e. U sōrōla k'a ke weleli ye dugutigibulonw ni kubedaw la, n'o ye fangasow ye ani polisisow, fo ka se sariyasow ma. Nin yōrōw bēe la, forofeerelaw bē bōbolo la, ka masor'ū b'u kali, k'u sijēn, k'u ka forow ma feere, u ka forow ma luwe, k'u ka forow bē mōgō minnu ka bolo kan, olu bēe y'u yērew somogow dōrōn de ye. U b'o somogoyako kuma min fō, ni Ofisi tē mōgō sōrō k'o nkalon kōrōbō, wali k'o tijē seereya, o de bē k'u bilali sababu ye. Ni tijēnikela lasera sariya kēnē kan, ka sōrō mōgō tē bolo la min b'a ka tijēniko bēe kalama, k'a seereya, sariya fangatigilamogow t'a nōminē, u b'a bila, fo tijē ka bange, a ka nēdōn, bolo ka d'a kise kan. O seeresōrōbaliyako ye Ofisi mōgōw kōrōfili, ka masor'ū y'a faamuya ko duguw kōnō, mōgōw tē bōnōgōn kōrō. Ni min nininkara, o b'a fili bin na, k'a tē fosikalama, ka sōrō bēe b'a kalama. U y'a dōn tuma min na ko nōmineli t'a nēdōncogo ye, k'u tē dēmēbaga sōr'ū la o sira kan, u y'o fana dabila, ka feere were tige, n'o ye kōlōsili ye, wali mōgōw bilali ye ka forotigiw ka nkalon kōrōbō, k'u bolo d'a ko kise kan, ka sōrō k'u nangī.

Okama, uye kōlōsilikew bila yōrō bēe la, minnu ka taanikasegintē kōtige forokōnōnaw la. U y'u yērelaben ka sōrō mōgō ma b'a kalama, ka tila ka

kuma da forotigiw tulo kan. Osiratige la, u y'a fō olu ye, k'u tun bē baara ke cogo min na foroko damine la, ni mōgō min y'a tulo gelya k'o yēlema, n'u ka kōlōsilikew ye mōgō yēleke y'o ka foro kōnō, o tigi k'i sigi n'a ka foro bōsili y'a la.

O fōra cogo min na, o kēr'o cogo la. A kera fo ka n̄e, ka d'a kan, mōgō minnu ka forow bōsir'ula, olu y'u sen don, k'u bolo don fangasow, polisisow, sariyasow ani yōrō werew la duguw kōnō, fo ka se Bamako, u ma mōgō sōrō, min y'u lamēn. U m'a n̄efoli yērē masorō, k'o sababuk'a ko digili ye faamalamogow bēe la. Forofeerelaw ma dēmēbaga sōrōli min k'u yērē la, o y'u kōnōrōfili, fo dōw nimisara. O tigilamogo minnu y'u ka forow luwe, wali k'u feere ka ban, olu de y'u yērē jirali damine kōlōsilikew la, walasa olu kan'u kōrō don. U bē Ofisi ka jisongo sōrō cogo o cogo, u b'o jini, K'a t'o sara, sanko u kōrō kana don. Ab'u nēna k'u bē k'u dogo Ofisi la, ka sōr'ū bē k'u dogo u yērew de la. U kelen kelen bēe ka foroko kise bē Ofisi tēgē kōnō. Ni Ofisi tun y'a don, ko tijē yērē la, u ka forow b'u somogō lakikaw de ka bolo kan, u ka forow tun tē bōsi u la, k'u feere mōgō werew ma, k'u sēbenw karaba yēlema o tigiw tōgo la. Nin bēe la, forotigiw tē fēn'uka forowsanbagaw ye, ko n'olu bōr'a kalama, o bē k'a danmako wēre ye.

Taalen n̄efē, olu minnu bōr'u kalama, o kera olu tōgo la forow sōrōcogo ye. O forotigi kuraw sōrōla k'a jira, k'u ye wari min di forotigi kōrōw ma, u bē tila k'o saraliko nēbō u ni nōgōn ce. Juru ka ca forotigi minnu na, n'olu ma feereli kē fōlō, n'u n̄e t'u bōcogo la sēgen na, olu y'u ka

forow kənəkan feereli fisaya n'a bəsili y'u la. Olu ka jate minelen bə tali kə fən min kan, o ye foro feereli ye joona, wariba la, ka Ofisi ka jisongo sara, ka wari tō k'u mago ye. A b'olu fana jəna k'u ka kegun. Nka, taalen jəfə; u ka forow sanbagaw de y'u senbo forokobəe la, nisəbenyəle malı y'u təgə la. O yəle malı ka nəgən Ofisi bolo, a t'a təcər, ka masərə hali ni foroko nagamina nin cogo la, Ofisi təbənə, ka d'a kan, n'a ka wari ma bə feerelikela kun, a bə bə sannikela kun. N'o wari ma sara sanminna, ka bən mariskalo laban ma, foro bə bəsi.

On'a taa bəe, halisisan, forow bə ka feere cogo bəe la. Ofisi yəre y'a jini tugun k'a dabila, k'o sababu k'a dəseli ye forotigiw la. Olu minnu b'a kə, u b'a dən tigi-tigi ko sariya ma jen n'a ye. Nka, wariko de b'u bil'a la. U bəe ka wariko ka bon n'u ka sorow ye. O de kama, u ye jateminé kə, k'a ye k'u bə soro min kə foro feereli la, ut'o k'a baaralila, k'o da foro ladonni musaka cayali kan. N'a kəra feereli ye, wari caman bə soro, jisongo bə sara, foro bə ladon ka jə, denbaya bə balo kojuman, forotigi yəre b'a sagonakow kə.

O jate de siratigc la, k'a ta Nənə fo Molodo ani Ofisi malosənəyərəw təw bəe kono, maloforo taari kelen luwelisara, sankono, ob'ata sefawari dərəmə 8.000 na, fo ka se dərəmə 12.000 ma ka sora taari kelen bə feere sefawari dərəmə 50.000 fo ka se dərəmə 60.000 ma. Forow səngəko bə tali k'u jecogo de kan ni jəgən ye. Nin bəe la, feerelikə tə bə senna fo ni Ofisi ka forokənə labənnən wye laboli kə. Ni bəe y'i ta soro, məgo tə məgo ta san.

Bureyima Ture ni Amadu GANI Kante

## Sahelijamanaw man kan ka kongojinan



Sahelijamanaw ka jakələ tənba «CILSS» ye lajeba də kə Dakaro, n'o ye Senegali faaba ye, san 1999, setanburukalo tile 15 ni 17 cə, jinan samiyəji sumanko jateminəni na, təndenjamanaw kelen-kelen bəe kono.

«CILSS» məgo faamuyalenw y'a jira ko san 1999 sanji bincogo ye taamasiyen juman ye balo caman soroliko la Saheli jamanaw kono, cikə yiriwalen don minnu kono.

Ajirala koni jinan sumankise sorota hake ma bən salon ta ma «CILSS» jamanaw kono, a bə caya n'a ye yərə caman na.

Caman bəna bə samiyəji malo sənenen soro hake la, k'o sababu bə sanjibaw ka tijeni ye maloforow kono zuluyekalo ni utikalo cə.

Min ye badingekono malo ye, u ka foli la, o bəna jə Nizeri ni Senegali ni Mali ni Moritani jamanaw kono.

«CILSS» məgo faamuyalenw ko ni samiyəjifoorila a cogo la, tən injamanaw bəe lajelen ka sumankise sorota hake bə se təni miliyon 10 ma. Abəna caya ni san 5 laban təmənenw suman sorolenw hake ye ni 18 ye, kəmə o kəmə kan.

Jateminə bə Nizeri sigi ten kan ni sumakise təni 2.794.338 ye. Jøyərə filanan dira Malima ni sumakise təni

2.636.413 ye. O ko, Burukina Faso bə na ni sumakise 2.443.073 ye. Moritani dalend'okanni təni 192.633 ye. Ganbi ış tugu o la ni sumakise təni 127.726 ye, ka n'a laban ni Kapu Wéri ye, n'o ka sumakise bəe lajelen sorota bolodalen ka kan ka kə təni 12.529 ye.

U y'an ladonniya ko jə ni malo tə dun kosebe Kapu Wéri ni Moritani kono. Kapuwerikaw bə kaba de fə kosebe, k'a soro moritanikaw ta ye alikaama ye. U bə sumakise təw san kofe k'u ka balo dafa n'o ye. U y'a jira ko Senegali fana b'a ka malodunta dafa nimalodaduman santa ye kofe. Sumankisew bə dun kosebe «CILSS» jamana minnu kono, o ye minnu tə kəgəjida la, i n'a fo Mali ni Nizeri ni Burukina Faso ni Cadi jamanaw.

Moriba KULUBALI  
Basiriki TURE.

## KA BO KIN

An b'a jini kibaru nəməgəw fə u'ku hakilito an ka səbenwna. Anw b'anka kunnafonisəbenw ci kibaru ma, an t'an ka kunnafoñi wlamen arajo la; wa an m'u ye fəlo zurunali kono.

Anw kono be ka «kibaru» san k'a kalan; an be «Jekabaara» fana kalan o cogo la. Anw m'an ka kunnafoñi si ye. Juma o juma, lere 11 waati an be arajo lamen. An be təgəw fəkan men; nka kunnafoñi te fo; u te bo zurunali fana kono.

Kabini kibaruko daminena anw fe yan Kin san 1972, balikukanlan fana daminena yan o waati kelen na. Animateri fəlo ye Fuseni Kumare ye; min fəra o k'o, oye Alamisa kumare ye, fo ka na se anw ma.

Duguyiriaton donna anw fe yan Kin san 1991. O don ni bi ce, balikukanlyenafa camanlase anwmayan Kin. An be balikukalandan fo, n'o ye «denafila» ye.

Kin ye bamanan dugu koroba ye. Halibibamanankobe k'yan. Komobé yan; ntomo be yan; ciwara be yan. Dugu nantu be yan.

Hali sini ni sanjiko geleyara, nantu be son ni dununjé ni dəge ye, ani sagajigijé; a ka c'ala sanji be na o don. Kin halaladen te je ni filabilen ye. O ye nantu taña ye. N'o kera, o tigi mana dontuinkənədidenkulubəjiginkinkaw kan. Kəlon dəbe Kin yan, mögo o mögo mana o ji min k'i fa kankorfoolo t'i mine.

Kinkaw bəe lajelenjamuyekumare ye. Banin ji bonyara kosebə. A ka ca san 20 ye a ji ma se nin hake la utikalo fe. Anw fe yan o ye həre ye.

**Kelifa Kumare  
Kin-Falo-mara**

## Fanga seginna so

Anw kera an yere ta ye, anw faantanw kera faamaw ye; taare! anw kunfiniw kera faamaw ye. An ka ko bəe tora an bolo, oye kojuman ye.

Anw ka kalanko, an yere; anw ka jiko, an yere; anw ka sigida lakanani,

an yere, anw ka nisongow, an yere; anw ka siran baarali, an yere; aal nin ye koduman ye, faamaw, aw ni cel aw ye aw da bo a la, ta to tora anw yere ye; aw ye doni bo aw kun, k'a da anw kun, anw faantanw, a fo anw na se doni in koro?

Bamananw ko, mögo be yele ka fen do ta, i b'i dogo ka t'a bila; anw ta kana ke o ye de! Anw faantanw te siran nəgon he; anw faantanw te nəgon bonya; anw faantanw te nəgon ka həre fe. N'a fəra ko an w k' an jo n'an ka kow ye, o te kamanagan ye de! Nka, a fəra cogo min na, n'a sera ka kəten, oyekojuman ye. Konumanba.

**Mōrike Kulubali  
Filadugu-Kolokani**

## Nininkali

Kibaru nəməgəsoye an balimakə Usumani Sanogəka nininkali minjaabi kibaru boko 329 nan kono, ne ma faamuya səra a kono, bawo a ko mögo joli be kibaru bakuruba sən Mali kono an'a kókan; mögo joli be Sikaso, joli be Segu mara kono?

Kibaru y'a jira jaabi kono, ko mögo 10254 de be Mali, kono; mögo 50 be Mali kókan. Ka laban k'a jira ko kibaruseben feeretaw be ben 5696 ma. O ye kabako ye, bawo bakurubasan mögo cayara səben feereta ye. A' ye fəsə-feseli ke kibaru kanubagawye, walasa u be faamuyali ke cogo min na.

**Jaabi :**

Kibaru nəməgəyaso b'a jira Usumani Jara la ko, a ye kuma min fo, tipe don. Anw de filila. An b'a jini a fe a k'a faamu ko kibaruseben feereta minnu kofora k'o be ben 5696 ma, o ni bakurubasanni te kelen ye. Kelen-kelen feereta deko don. Minnu be kelen-kelen feere kibaru ka lasigidenw fe k'a wari minne a nəgonni na. Danfara b'o ni bakurubasan ce.

**Usumani JARA Nədugu**

## Ntolatan Federason Iakurayali

Emisiyon min be senna nin waati la, o kera maliden bəe nisondiyako ye, kerənkerənnenyə la ntolaci hukumu kono, n'o ye federason Iakurayali ye.

K'a damine san 1972 fo san 1999 Mali ntolatan ma san soro. A tun ka kan Federason ka Iakuraya Bamako. Tənden ka jəyօrօ labilali ye ton nəməgəw ka baarake kojuguya ye.

Aka kan tənden bəe k'a jəyօrօfa ton kono. Baarakésara t'u bo, fo nanbara ni yuruguyurugu. Mögo min mana i miiri ntolacilaw senkari la, k'u sara jatmine, hakili ka kan ka jagabo.

Jibirili Tarawele ka jəmukan ye bəe nisondiya; nəməgəw ka falen, mögo faamuyalenw ka sugandi. Ni min ka baara ma ne, o ka gen. Faso kono ka bon mögo damado ka yeresagokə ma.

**Nci Kulubali  
Fuladugu-Moro-moro-Kita.**

## Ka bo Bajila

Ko min be yan ko Jin, o ye mögo naani bəne u ni la; ce kelen ni muso do n'a den fila, sanjiko kera kasaaraba ye anw fe yan ninan.

Baninfin ji ye foro caman tipe, ka fara Jin fana ji kan. Anw ka jiko kera dabalibanko ye an bolo.

**Musa Fonba Balikukalanden  
Bajila-Banan-Buguni.**

## KA BO NCIBA


Ncibakungo balikukanlan karamogəw ye nəgonyeba do ke Falaje. Nəgonye kun tun ye walasa ka balikukan don da la.

O kadara kono, an ye ton sigi balikukan ka nətaa kama. Ton peresidan kera Dibi Jara ye, Falaje Negela.

**Wuye Banuku Tarawele  
Balikukankaramogə  
Nciba-Negela-mara-Kati**

## Farafinna Farajogonkank

Ne miirla,  
ne jorela, ne  
hamina, ne  
yεrεku n  
siranna fo ka  
taa se yorla, n  
ta don nbenia n  
yεrε nənabo  
cogo min na  
farafinna netaa  
sabatilikola, n'o ye farafinna faraliko  
ye nogon kan.



Abuduramani JARA

Eel farafinw, an ka je k'an taasi  
doonin ka ko dōw faamuya an yεrε  
damani nogoncetensa! Bamananw  
ko ni «jeli ma malo, a tenda be  
yeleku.» Sisan-sisan Farafinna  
nemaaw ye nogonyeba min ke Libi  
n'a nemogoya tun be Mohamari  
Kadafi bolo, o nogonye suguw de  
be se joona ka Farafinna netaa  
sabati. Ne bolo nafa min be nin na,  
a te se ka fo ka ban; ne hakili la,  
Farafinna ka kan ka feerew nini  
kabini sisan, sanko an ka kanw be  
se ka kalan cogo min na Farafinna  
bees kono. O de b'a to Farafinna be  
bilisa nogon na. ni faamuya ye. N  
baden farafinw, ce ni muso,  
denmisen ni mogokoroba, n b'a nini  
bees fe, an ka segin an danbew ma.

Nin ko danbew, jugumaw ko te;  
n kan be danbe numanw ma, i n'a  
fisinjitu, hinεnogonna, laadamuli  
konuman; n be n'olu de ye.

N kan te mogow ma minnu b'an  
danbew tijε i n'a fo  
m u s o y ε r ε k u n b i l a w ,  
julankolonbilaw, kunsigijanyabaaw,  
finisurundonnaw.

N kan be musow ma, minnu b'u  
furucεw to sutura la.

Abuduramani JARA  
Jibondo-kerefe-Sabalibugu

## Ka bo Basabugu

Ne tun ye istere do ci aw ma  
setanburukalo tile sabá ka Basabugu  
samiye kibaruya dōw da aw tulokan.  
Nin fana kono, ne bena do fara folen  
koro kan bawo yelema be yen sisan.  
O ye yelema jumen ye ?

Samiye ye caman ke kaban nka  
forow ma ke anw sago ye hali bi. An  
yεrε dalen te a la bilen ni u na ke an  
sago ye : forow man ni hali doonin :

Mo te noforow la,

Sho te shoforow la,

Tiga te tigaforow la,

Foyibarikalama de't'anwka forow  
la yan fo koori ni nsiraba; ji  
bonyakojuguya de sababu ye ni bees  
lajelen ye.

Otuma anw kono gannen o kono la  
kosebe : anw bena san lateme cogo  
di fo ka samiyε were se k'o ban ? An  
bena balo san ni mun ye sanni o ce?

Koori te san joona sisan. Anw ka  
Ala deli ye dɔron, mogow ka sɔro ka  
na anwka nsiraba sanwarije la joona.  
An te juruko fosi la.

Cekoroba Ba Gasiton Tarawele  
Basabugu-Negela-Kati.

## Sanji ye tijεli ke Bajila

Anw fe yan bi, sanji ye tijεlibaw  
ke. Sow binna, forow tijεna Banan  
kono bi kosebe, n'o ye Dogo mara ye.  
Ji bora fan bees la; fugaw sogora, kow  
fara. Koobε Bananyan ko Jin, ofara  
fo fulake do tor'a ji la, utikalo tile 11,  
san 1999;

Baninfifara fo ka donngasan koro  
ni metere 400 ye. Baninfif  
Falamisabugu foro dōw tijε; a ye  
Sobilen foro dōw tijε, ani Bananbani  
foro dōw . A ye Bobola foro dōw ni  
Totikila foro dōw tijε. Fana be ten.  
Sanji ye kasaara caman ke.

Mameri Dunbiya  
Darani-Bagintan.

## An ye Komini caman sigi sen kan

Beledugu yan, an ye komini caman  
sigi. Ne Cesama be min nini kominiw  
nemogow fe, n'olu ye meriw n'u ka  
dankanyeye, uka baara ke a kecogola,  
n'o te fangaseginso ma dabo  
yeredungo ke ni yeresagoko kama.

Ne hakililata ye min ye, meriw ka  
baara folo ka kan ka ke min ye, o ye ka  
fara nogon kan, ka bolimafenw nini ka  
disandaramawma Koikanidugu kono,  
walasa u be se ka an ka suguw jo. A te  
dabo sugu dama kama. Sandaramaw  
de be taa mogow lakana sugu kono.

Binkanniw cayara anka suguwla. U  
bena dɔron, mogow ka sɔro ka  
denmisenwma; ofana ka kan ka dabilo,  
bawo an ka denmisen fatow cayara.

Cesama Jara  
NTonintola-Nosonbugu.

## Kemedugu Musow ka kalan

Kabini awirilikalo tile 18, san 1999,  
kenedugu muso 20 n'u karamogo  
Mameri Dunbiya ye tile 45 kalan ke  
Kemedugu. Kalan in sigira sen kan k'a  
sababu ke dugu nemogow ka cesiri ye,  
ani dugu cew ka faamuyaliko numan  
n'u kabon ni kelenya. Akera sababu ye  
ka do fara Kemedugu ka yiriwali kan.

Kalan in musaka dōw bora  
Kemedugu foroba kesu kono.  
Kalanminenw, karamogo ka sara bora  
«CMDT» ka bolo kan. Karamogo ni  
kalandenw ka dumuni musakaw bees  
bora kemedugukaw ka forobawari la.

Kalan in kera sababu ye ka do fara  
Kemedugu musow ka donnia kan  
kosebe. Kemedugukaw cesirilen don  
kalanko fe kosebe; cew ni musow ye ne  
bonya kosebe.

Mekalo tile 29 san 1999, ne ka  
kalandendo, n'atogoyeko Nene Togola,  
ale ye denmuso sɔro. Den in togo dara  
karamogo bamuso la. A togo ye ko  
Tenenba kulubali.

Mameri Dunbiya  
Balikukalankar Darani Bagineda

## Hadamaden hake ye miliyari woɔɔɔ sɔɔɔ dugukolo kan

Dijé jamana hɔrɔnyalenw ka tɔnba «ONU» ye san 1999, ɔkutɔburukalo tile 12 jate k'a ke hadamaden min bε dugukolo kan, o miliyari woɔɔɔnan wolodon ye. Mɔgɔw hake labugunnen don yɔrɔ minnu na kosebε o ye Azi ni Afiriki jamanaw ye, minnu kɔnomɔgɔw hake cayara siŋe 4 ka tɛmɛ kɔrɔlɛn kan, san 100 kɔnɔ.

O labugunni bε wolo geleya minnu na, o y'ān sigidaw latjenni walew ye ani hɛre ni lafiya kɔdonni hadamadenw na.

Hadamaden labugunni ni yiriwali mɔgɔfaamuyalen dɔ, n'a tɔgɔko Kirisini, oy'a jira k'an mankan ka mɔgɔw lasiran, walasa u ka yelema don cε ni musoya ka fɔnjɔgɔnya walew ni denbaya taw la.

Ka bɛn ni dijé geleyaw ye, feɛrɛ dɔw tun bolodara yeremine kadara kɔnɔ, walasa furancejan ka don denwolow ni nɔgɔn cε. Funankeninw ladamuni tun b'ɔ la kafo nɔgɔnya siratige la, furakisew n'u nɔgɔnna fɛn werew kofora cew ni musow ye, ka for'o kan, walasa bange kana tugu nɔgɔn na.

Jateminé kera k'a ye k'o baaraw si ma bɔkari la ka ntɛnɛn sɔɔ. O tɛmɛnen kɔ setigijamana minnu tun ye warikodɛmɛ layidu ta o baaraw tiimeli la, olu fana ma ke kantigiw ye. On'a taa bɛs, a kɔlosira ko musofurulen 50, kɛmɛ kulu kelen-kelen bɛs kan, olu bε dɔgɔtɔrɔ bangefuraw ta bi, ka tɛmɛ san 1970 waati kan, min y'a sɔɔ o hake tun tɛmɛ 10 kan muso kɛmɛ kulu kelen kelen bɛs kan.

Mɔgɔ faamuyalenw y'a jira ko dɛsɛbaato jamanaw ka kan ka fɛn minnu ke, walasa ukana dencaman sɔɔ, o fɔlɔ ye musow neyelenni ye, k'a bɔ bolokofɛfɛnya la, k'u bolokoli dabila ani jankata were minnu bε d'u kan. U ko fana ko bangefura dumantɛ tɛmɛ kalan

kan, barisa a ka c'a la ni musomanninw bε kalan ka t'a fε, u tε furu joona w'u bε ko bɛs ke, walasa u kana kɔnɔbara sɔɔ.

Dɛsɛbaato jamanaw muso miliyɔn 350 de bε yen bi, minnu tε dɔgɔtɔrɔ bangefura numanw dɔn. O musow fanba bε bɔ Afiriki jamanaw de kɔnɔ, u hake ye 30 ye muso kɛmɛ kulu kelen kelen kan yɔrɔ min.

Min ye setigijamana ye, mɔgɔsi tε dencamanwololadiya mɔgɔla yen. N'i y'a wolo, i kelen kunko b'i bolo. O de kɔson, Farajɛla mɔgɔkɔrɔbaw bε ka caya ni denmisɛn ye.

N'an y'a laje ji nɛmajɔlen na, mɔgɔ minnusigilen bε dugukolo kan, olu hakeko

ko mɔgɔkɔrɔbaw bɛna caya ni funankɛninw ye sini.

Dijé jamana hɔrɔnyalenw ka tɔnba bolofara min nɛsinnen don hadamaden hakeko ma, o y'a jira k'a b'i n'a fɔ don o don dugukura min mɔgɔhake bε 210.000 nɔgɔn na ani kalo o kalo jamana kura min mɔgɔhake bε miliyɔn 78 bɔ, dugukolo bε bange o de la san o san.

A jirala ko kabini dɔnniya lawerɛla, hadamaden ka se ka dugukolo n'a kanfɛnw don a nɛna da fε, mɔgɔ bε ka bugun cogo min, u bε ka bugun ten. Dɔnnibagaw k'a dɔw la sanni san 2050 cε, dugukolokanmɔgɔw hake bε miliyari 9 sɔɔ.

Nin bɛs la, bange ka teli w'a ka ca fana Afiriki jamanaw de kɔnɔ, bawo yen musow bε furu joona ka tɛmɛ cew kan. Misalila, u ko Malin'a ka wolo bonya o bonya, dugubaw ka bangekobε ka dɔgɔya sanko Bamako kɔnɔ. Osababu bɔra bange janyali la nɔgɔn na ni



te geleya ye. Geleya bε yɔrɔ min na, o ye minnu bε dijé na ka ban ani den minnu bɛna bange, olu ka dijelatige bɛna se ka nɔgɔ'y'ubolo nifɛrɛ minunw ye. Jateminé dun bɔ'r'a kan ko mɔgɔ miliyari kelen bε warihakɛmin dunsan kelen kɔnɔ Farajɛla, hali ojaka tε sɔɔ mɔgɔ miliyari duuru jɛlen bolo dɛsɛbaato jamanaw kɔnɔ, k'o dun. Hadamaden ka geleya fanyaw ye cayali ye nɔgɔn kan ani ka taa tungafɛ ani dugukurasigi ni funankɛninw jɛnɛnni dugukolo kan ani sigidaw tijenni ni sidabana min ni fura t'a la halisa. A jirala

bangefuraw tali ye Bamako muso 23 fε kɛmɛ kulu kelen kelen bɛs la, k'a sɔɔ o hake ye muso 3 dɔrɔn ye kɛmɛ kulu kelen kelen kan togoda musow cɛma. Mɔgɔfaamuyalenw ka fɔli la, densaya ka ca Mali la siŋe 10 ka tɛmɛ Farajɛla jamanaw kan. Hakilijigin na maliden hake ye mɔgɔ miliyɔn 12 ye bi. O mɔgɔ hake tilako 3 sigiyɔrɔma 1 ni ko bε sa sann'u ka san 40 sɔɔ.

Daniyeli WERIMUSI  
Basiriki TURE.

## «S.G 2000» ka Bamako baloko tōnsigi

K'a ta san 1999, okutoburukalo tile 15 la ka t'a bil'a tile 19 na, peresidan Alifa Umaru KONARE ye laje do kene datige Bamako «Palé De Kongere» la, min kera baloko temesiraw kan Afiriki Jamana kono, minnu be Sahara jukoro. Nogonbilasara laje in labenna «SASAKAWA - GILOBALI 2000» fe, n'o ye zapone ni Amerikenw ka demeké jekulu fila faralen ye nogon kan, an ye min kunkun n'a nenjen tomo aw ye kibaru utikalo n'a setanburukalo nimorow kono.

Kene in sankorotara ni kenyereye jekulu in kunitigibaw ye, n'o ye Ameriki peresidan koro, Jimi KARITERI ye ani zapone SASAKAWA denke, ka fara Mali ni Benen peresidan koro Amadu Tumani TURE ni Nisefori SOGILo kan. Baloko tōnsigi in ker'a tuma la, bawo a ni dijne seleke naani dunkafa donba benna nogon ma, Alifa Umaru KONARE ka foli la. Mali peresidan ko tuguni ko laje in dawula bonyani sababuwereye a benni ye faantanya ni nogondeme ni bolokoffnya keleli kalo ma an ka jamana kono, n'o ye san o san okutoburukalo ye.

Djne jamana hörnyalenw ka tōnba bolofara min ka baara nesinnen don baloko ni dunkafa ma, «FAO», o y'a jira ko san 10 laban in na, Sahara jukoro jamana caman ka suman soro lawerela. Nka jamana dōw, i n'a fo Zambini Tanzanini Uganda, olu konomogow labugunna ka soro foyi ma fara u ka cike soro kan.

A jirala ko politikow fana ye jamana dōw mogow kodon nogon na, k'u bila karogelenya ni njuguya ni mogofaga walew la. Siran fe, mogow te bo so kono, sanko ka taa sene ke kungo kono. N'an y'o laje konuman, o laban te foyi ye kongo ni bana ni saya ko.

O yoro la, Ameriki peresidan koro Jimi KARITERI y'a fo laje kene in kan, ko segen ni nani n'a kololow, i n'a fo kelew ni binkanni banbaliw ye Afiriki jamana caman mogow galabu faga ko bee la.

Peresidan Alifa Umaru KONARE k'o siratige la, lahawuta nafolo kasabi min be latijé maramafenjuguwilannin'usanninaanicikelaw labennibaliya u ka baaraw kadara kono, cikeminentanya ni senedugukolow lafili mana far'o bee kan, an b'an ye ko gansan m'an ka jamanaw cikelaw galabu faga:

Madamu Ayako SONO, minye SASAKAWA ka kenyereye ciyakeda kuntigi ye Zapon jamana kan, o fana ye kuma ta «SG-2000» tōnsigikené kan k'a jira ko Afiriki mara jamana kofolen ninnu cike soro nagasili kun ka ca, nka feere be se ka soro a lawulili la, k'a bila sira numan kan. A y'a nen don kun ninnu ni nogon ce, kalanko ni baara mataraftali ni feerentanya be minnu na. A ko cike yiriwali feerew kalanni ka gelén mogow ma, minnu ma laben a kama. O temenen ko, mogow kalannen de be se k'a jija feere kuraw ninini baaraw la.

Nin bee be geleyaw de kofo, minnu kelen don bi ka garan don Afiriki cikelaw sen n'u bolo la. A jirala k'o n'an y'an bolo di nogon ma ka Afiriki cikelaw ka bana ninnu fura ke, a ka c'a la dunkafa be sabati here ni lafiya kono.

Bamako hakilifalen tōnsigi in kunba tun ye geleya ninnu latemeni ye ni hakilijagabo ye fenw kan, i n'a fo Afiriki be se ka bolo konuman cogodi, faantanya n'a kololow, tungafetaa geleyaw, mogow hake cayali, togodaw boli kelennasigi la ni sira numanw ye, senefenw ni nogow laseli cikelaw ma ani sumanw tila-tilali a dunbagaw ni nogon ce. «SG-2000» be ka baara ke ni Afiriki jamana 12 cikela 600.000 nogonna ye, Mali be minnu na. Hakilijigin na, Ameriki peresidan koro Jimi KARITERI ka demeké ciyakeda sandamado ye nin ye segelen keleli la Mali kono. A ka ciyakeda bolofara min sigir'o kama yan, o nemogoya be Mali waatilafanga peresidan koro Amadu Tumani TURE bolo. A jirala ko kele damine na segelento minnu lakodonna o tun ye mog 18.000 ye, minnu hake tote foyi ye bi mog 250 ko. Jimi KARITERI y'a ka sewa ni nisondiya jira o wale la Bamako tōnsigi senfe.

Base JARA ni Basiriki TURE.

## Fali ni waraba, e ko jor ?

Ne togo ko Fali, dōw ko n ma ko falininkurunin.

Ne de be hadamaden deme. N b'u deme ka ji bo kolon janw na. N b'u deme ka nogo lase foro janw na. N b'u deme ka dōgo nini kungoda janw na, k'u deme ka taa dogojodugu janw na, k'u deme baara caman na.. N te dimi, n te waso, n b'a bee kun.

Nka n'i y'a fo hadamaden min ma bi k'o ye fali ye a tigi be dimi, a b'a fo k'i y'a neni, k'i y'a dogoya. A tigi be son k'i kele.

Ne Burama Sidibe ma o tooroyoro faamuya sabu fali y'an demebaga sebessebe de ye, o de y'a to a kera sokono bagan ye an bolo, i n'a fo baw ni sagaw.

Ne Waraba ni dōw ko n ma ko jara. N ka jugu, n ka farin, n ye siranfenba ye fana.

N be hadamadenw faga, n b'u ka misi werew ci bogobogó. N b'u ka faliw faga, n b'u ka sagaw ni baw faga. N be kungo sira tige mogow la, hali donsow, n b'olu se u dan na. N be kojugu caman ke hadamadenw na. Nin bee ko, n niyorsigilen be kungoda bee la. F'u b'a fo n ma ko kungotigi.

Nka a mana fo mogó min ma k'o ye Waraba ye, o tigi be nisondiya f'a b'i waso n'o ye. Ne ma o wasoyoro de faamuya, sabu warabate hadamadenw jenogonuman ye. A b'an kasaara de, a t'an deme. Mun de la an ma waraba kolokolo an ka so i n'a fo fali ?

**Burama Sidibe Sirakorola C.A.R  
Balikulankarammgo Kulukoro**

## Bajiko kunnafoni

Fo ka n'a bila san 1999, okutoburukalo tile 15 la,.. Mali baw ji jiginna ka t'a fe, n'a bora bajolibaw la Moti dugumala la. Baji donn i jora Debo sanfela la, nk'a kónona n'a dugumala la, do farala Bajoliba ji hake kan yen. A jirala ko yelema camandonna Senegali baji hakeko la, Bafin kan Manantali babili yoro la ani Faleme bolo kan. Fo ka se san 1999, okutoburukalo tile 15 ma, Mali bajiw hake cayara fan bee ka teme salon ta kan ani samiyé hakebere lakodonne, n'a bora Moti sanfela la.

A jirala ko bajoliba ka kan ka don ka t'a fe Moti dugumala la.

## Sanuko ma Wasulu cekoroba do b'a hakili kan

Kabini lawale la, fo ka se sisan ma, n'i ko Wasulu, i ko sanu, n'i ko sanu, i ko Wasulu. O b'a jira ko Sikaso marabolo kono, Wasuluye dugukolo sanumayoro koroba lakodonnen ye, f'a togo ni sanu togo dara njogonma, cogoya la, min koro be kene kan, n'a be faamuya fana. Dugu fen o fen be Wasulu kono, olu konomogow bee donnen be ni baara folo min ye, o ye damansen de ye, ka sanu b'a kono. Wasulukaden lakika be damansenko bee kalama, a b'a sidon, a b'a nedon, a b'a gundolakow don. Nin bee de koson, wasulu togo la kuma te fo ka ban, ni sanuko kuma ma b'a la. Samori Ture yere tun b'a ka mogow bila ka taa sanubo la Wasulu. A tun b'o sanu falen maramafew na, Angilew ma, fo Sarilon jamana kono. A tun b'o maramafew de ke ka tubabuw kelse, n'o ye Faransew ye, jamana tun be minnu ka mara kono. Samori y'a sen don sanuboko la, ka soro Wasulukaw b'a la cogo min na, a y'a sen b'a la k'u t'o cogo kelen de la. Mogow tun be girin suguya bee de ke damandawla. Segen barika bonyako jugu m'a dabila, ksasaara cayako jugu m'a dabila. Sanuko banalama de tun be mogow la. O te wasulukaw doron ye. Mogow were minnu bora jamana yoro tow la, an'a kokan, a falama yere de tun b'olu la, ka masor'a kera olu nena, kon'um'uteliya, a bee be ban. Mogow ye soro ke cogo o cogo, dow ta cayara ni dow ta ye. O soro ko dow kera wasokow, gintankow ani jenajekow ye, minnu mankan bonyako jugu kama, mogocamany'a fo ko nimisa te sanu nokan girin na. O

mankaw ker'o tigilamogow girinkun ye, ka wuli, ka taa fara sanujininaw kan. Don o don, do de be fara olu kan, ka t'a fe. O n'a ta bee, cekoroba kelen soro Kojeran dugu kono, n'o togo ye Burulayi Tarawele, sanuko ma min kun yelema, K'a b'a hakili kan. Cekoroba ye cikela de ye, min wolosi ka ca ni san 60 ye. Ale yere de ye Kojeran dugutigi ye. Dugukonomogow bee lajelen ye mogo 2.000 njogonna de ye. A be Yanfolila kubeda fan min na, o be Mali ni Lagine dance la, ka t'a woroduguyanfan tilebinyoro la. Cekoroba somogow ni dugumogow ma se k'a ka fen min faamuya, o y'a kecogo ye ka sanuko ke bolokofeko ye, ka soro ce fara muso kan, bee de jigi dalen sanu kan k'u yere bo segenna. N'a y'a fomin ye ko mogoman kan k'i ka baara bee ben sanuko ma, ko sanuko ye sigalako, balanako, ani latigelako de ye, min labancogo te se ka don, ko ale hakili la, cike folola, n'o de be laban, o dete bo mogojigi koro, otigite da o kuma la. A ma mogosoro, min dar'a ka kuma la.

A ye mogow to girin na sanu nokan, ka dugubila, kataa malosenel la fo Yanfolila. Ayewari sor'ola tuma minna, a seginna ka n'a sigitugun, fo dugutigiya ser'a ma. O dugutigiya m'a b'a kumakan kan. O yere de ye karafe b'a da la, f'a y'a fo ko segenbagato min be sanubo law la, o jaaka te cikelawla, konimogominma d'o kuma la, otigi ka taa tilen sanubola do ka so, wali ka t'a sennayaala damansenyorow la, k'a be mogo dama minnu yeresegen gansan na yen, n'olu tun ye hali foronin sene, u tun b'u ka

denbaya balo soro. Sanuboko tor'a cogo korenin na, fo ka se san 1980 ma, n'o kera Irisiw ka sanubo izini jasan ye Kalana. Sanni izini ka jo, damansenna minnu tun b'a yoro la ka koro, olu lawulila. Minnu ma baara soro izini na, olu taar'u ka daman kuraw sen yoro were. Izinikoyesanunokangirinjuguya ka temen koren kan, sanko tuma ni tuma, jamana were be n'a sanubaara kelen kama Wasulu yoro do la. O cogo la, Ositarali, Gana ani Afiriki di Sidi jamanaw, olu ka sanuboyorow kera soro waereye, minnu ye girin juguya ka t'a fe. Sanuko ye mogow kunkolo wuli, k'a yelema, a ye mogow hakili wuli, k'a yelema. Ni mogo min te sanubaara la, o te jate mogo jenamaw fe. O te muso soro k'a kanu, kuma te k'a furu. Cike kera bolokofebaara ye. Wasulu senekoyorobee kera damansenyoroye. Foro be mogo kelén kelen minnu bolo, olu desera ka baarakelaw soro. Dow diminen yusen bo seneko bee la, k'uta ke balosan ye. Dow y'u berema kene dantige, k'o yoro doron sene. Taalen nefe, Wasulubalokogelleyalicogodonna yoro bee la, jamana kono, an'a kokan. Balotye ne la. N'a yera, at te se ka san. Ni wari fen o fen soro sanu na, o bee be don balo la. Baloko ker'a danma gelleya ye, min ye sanubaaralaw s'u dan na. O y'a soro yelema donna sanu songoko la, dinne kono, min ye sanu izinitigiw bee ka wari soro da goya, fo k'u dese u yere koro. Baloko gelleya ye mogokoroba minnu lamaloya, k'u kunmasuuli, Kojeran dugutigi cekoroba b'olu la, min y'a fo mogow ye, k'u kana

sanuko bila senekeune, ka dese, k'uye, k'u to yen. A mankan cayara, fo Peresidan koro, n'oye Musa Tarawele ye, o y'a fo ko Wasulukaw ye fugariw de ye, minnu desera k'u balo dama soro. O kuma ye do fara Wasulu mogokorobaw ka malo n'u ka kunmasuulikan. Ocogodela, Wasulu cikela fara damansenna ani jagokela kan, bëe farifagalentora nögökan, fo don dola, u ne b'a la, Irisiw be k'u ka minenw dalaje, ko izini be datugu, sanusongabinna, nafa tala tugun, olu bëtuka jamana la. Ofora cogominna, oker'ocogola. Onogoninkan, Ositarali, Gana ani Afiriki di Sidi mogow fana taara' n'u yere ye. Kabini iziniw datuguna, damansenna minnu y'u ta ke kolonse ye olu ye bolomineyeyor sör'uyere lan'a tocamanye. Sanutogo tun tese ka fakelensiye tugun, nikel mab'ala. Otuma dela, Malikenyeraye do taar'a sigi Bale dugu kono, min ka poroze nesinnen be sanuko ni malosenko bëe ma nögöne. O ka poroze malosenew cayali min kera n'a damansennaw ye, o y'a jira ko faamuyali kera ka ban, mogot fosi fo mogoy'a ko la tugun n'a te min don. O t'a bëe ye. Mogot dama minnu tun y'a men ko Mali koɔribaarada «CMDT» bëna koɔrisené damine Yanfolila mara bëe kono, n'olu tun sigilen be k'o makono, n'a bora koɔri la, senefen fosi wëre togo tun te se ka f'olu fana ye, ni kële ma b'a la. Olu sigilen be ni hakili min ye, o ye k'u ma se ka fën min soro sanu na, u b'o soro, ka d'a kan, bëe be koɔri nafa bonyaliko kalama, ka teme senefen tow ani sanu kan

Ederlizi ni Amadu GaJi Kante.

## KUNBA CAMU kera «ORTM» ka san 1999 sigidoolo ye



*Ka b'numan fe ka taa kinin fe : Ayisata JABATE, Kunba Camu ani Kani Sangare*

San 1999, setanburukalo laban na, ARAJOMALI y'a ka laadala sigidoolo latoméke, Bamako sekou ni dongo soba la, Mali kunnafoniko hi negejurukow minisiri Madamu Asikofare Ulematu TANBURA

ka cocogowey kono.

Kunba CAMU de kera «ORTM» ka ninan sigidoolo ye. Lakolidenkoro ba-don min si ye san 19 ye.

Ayisata JABATE ye jecyel filanan cocos, ka Kani SANGARE d'o kan.

An b'aw ladonnia K'a ko ma tulutige, barisa suneturunni jinewoleso 14 ka b' Segu, Kayi, Sikaso, Moti, Gawo ani Bamako disiriki kono, olu de y'u kuwa da nögöna cejë na.

Fen kura fila donna san 1999 sigidoolokola, n'ofolo ye an ka laadala finiw donni ye suguruniwfé an'uyerew jirali jama la nögöndan hukumu kono.

Sigidoolo folo Kunba CAMU ladiyara ni sefawari miliyon 1, 2 ye ani awiyon biyekelen Bamako-Pari-Bamako.

A ka dankan Ayisata JABATE ye sefawari 120.000 soro ani awiyon biye kelen Bamako-Pari-Bamako.


Sigidoolo sabanan Kani SANGARE sonna sefawari 60.000 la ani awiyon biye kelen Bamako-Lome-Bamako.

Musomannin to minnu tun be nögöndan in na; olu kelen-kelen bëe ye dorceme 15.000 soro ladiyalifen ye.

**M. KABA**  
Basiriki TURE

## TULON

Nin desen fila dilanbaga y'a dab'a kama, ka fili 10 k'u la. A'y'olu jini.



**jabi**

galakakolow 8 - Filanterie min be kiniñ fe 9 - ja min be kartdin kan 10 - Kolon.  
be numan fe 5 - Seben min nüdrjien don kartdin kan 6 Segei knudsen T-Cenin  
1 - Kogo perenne 2 - Cenin datiruku 3 - Tunin min be dogodogo la 4 - Filem min

## Ninan sanji bonya tēna ke fiñe ye cikē sōrō la

Mali ciyakēda min ka baara nesinnen don cikēlaw demenī ma, o ka ciden yamaruyalen dōw ye Segu ni Sikaso cikēyorowyala san 1999, setanburukalo tile 14 n'a tile 27 ce. U ka taama kun tun ye san 1989/2000 sumankow jateminew de ye mara kofolen ninnu kōnō. Nka o kerefe, uka ciyakēda bolofara minnu bē yen, u taar'u nēda olu ka baaracogo fana kan.

A jirala ko samiyē ma don joona ninan mara fila ninnu kōnō. Nka kabini ji ye binni damine a ma jō wa a cayara fo k'a danmatemē. O fana kera fiñenin ye cikēbaaraw la. A ye sumaya don danni na, ka tila ka na ji caya seneñenw kōrō.

Kuma nōgōnyaw senfē, "DNAMR" ka ciden yamaruyalenw sera yōrō o yōrō, u tar'a sōrō cikēlaw bē kasi la sanji sigiliko la u ka forow kōnō. Ji tun kelen don k'u bali k'u ka suman seneñenw ladon.

Mogo faamuyalenw y'a jira ko ji cayali n'a taa bē, jigi bē Sikaso ni Segumaraw cikēlawla. Taamasiyen fōlō ye kēne hake seneñenye, u tun tē deli ka se min ma. Filanan, ji ka tijenī ma se yōrō seneñenw bē ma.

Misali la, u ye Sina dugu cikēlaw ta, minnu bē Malikoorisene ciyakēda «CMDT» ka mara kōnō. A jirala ko yen cikēlaw ye kilo 10 nōgōnna de taama ji la, walasa ka n'u ka dunanbaw bisimila, u ka nōgōn kumanōgōnya sanji tijeninow kan. Sina dugu kōnō, kōri taari 137 ni kaba taari 35 ni keninge taari 137 bē tununnen tun don ji fe; wa a jirala ko nafa foyi tē se ka sōrō o seneñenw na tuguni.

Jateminē y'a jira ko Sina dugu

tijenī tē foyi ye Sikaso ni Kucala ni Buguni «CMDT» foro seneñenw ta

. Sumaya min donna o ko nēnaboli la, Ofisi sirannen don o kōlōw kōrō, kamasōrō o yōrōwyeforokēne taari 977.519 bēsene nōgōnfē. Sanji ye tijenī ke forokēne min kan, o hake taar'i jo taari 6217 la.

Sanji nana ni barika min ye ninan, mogo faamuyalenw ko k'an mēennna k'a sōrō an m'o nōgōn y'an nē na. Misali la, u ko Selēnge dōrōn kōnō, sanji ye tile 27 ke nali la, utikalo tile 31 kōnō.

Danni ma se ka ke joona. Cikēlaw wajibiyara ka jēn u ka keningeforow kō, minnu tun falen don ji la. U y'u nēsin malo ma, u sera ka taari 90 seneñen na san 1999, setanburukalo tile 20. Selēnge togodaw yiriwali sēriwusi «ODRS» m'a ka jōrē dogo, bawo u k'u t'a dōn ni samiyēji malo bēna se a tuma la, ka bēn ni tilema malosēne ye, o min nafa ka bon ni samiyēji ta ye.

A kera birisanagami ye cikēlaw bolo. U ye danni bēs ke nōgōnfē. O dun ye fēn ye min bē geleyaba don seneñenw ladonni na, bawo baara mana caya, dō be taa k'i dan. Segu mara forokēne tijenēnē hake benna taari 14 313 ma. Dōnnibaaw ko n'o dara taari 858.978 kōrō, n'o ye mara in foro labennenw bēs lajelen hake seneñen ye, k'a tē sirankun bō.

Kōlosili min kera jamana mara 4 nan kōnō, n'o ye nisōndiyako yē, o ye cikēlaw seginni ye samiyē donda la, minnu tun taara tūngā fe. Min faral'o kan, o ye sumanw sōngō nōgōyalī ye ninan cikēlaw bolo ka temē san tow' kan.

A jirala ko Ofisi mara kōnō malow bēs da jiginna, w'a dōw la, o de bēna ke sababu yē ka ciyakēda in deme ka malosēnenaw dusu saalo. Benbaliya min b'u n'u ka mara cikēlaw ce, o ju bōra jisōngōko bēnkansēben

pereperelatigeli la u ye halisa, min kasabi bē se dōrōmē 12 400 ma, taari kelen kelen. San temennēn na, cikēlaw tun b'o kunnafonisōrō sanni setanburukalo tile 15 ce. O y'a sōrō jisōngō man ca fana Sumaya min donna o ko nēnaboli la, Ofisi sirannen don o kōlōw de nē, bawo u t'a dōn malosēnenaw bēn'o sara cogo min na. O kōnōrōfoli de b'u la. Nka Ofisi jigi dalen don sumanw nēni de kan ka cikēlaw ka nōni in b'u sen na. Siranjēfēn kelen min b'o fana na, o ye sumantijē kōnōw ye, u y'a jira ko minnu ka kānka kūnbēnjoona, bawo Molodo ni San sumannakanani ciyakēdaw y'u nali kōfō ka ban. U y'a jira ko ka fērē nēnamaw tige, sanko pankurunw sōrōli la, minnu ka baara ye ntōnfaga ye, walasa ka sumanw ni kōri lakana joona, n'o tē cikēlaw ka sēgen bē ke fu ye.

**Moriba KULUBALI  
Basiriki TURE**

"AMAP" kuntigi  
Gawusu DARABO  
Mali kanw kunnafonisēbenw  
baarada kuntigi  
Nanze Samake  
**Kibaru**  
BP : 24 Téléfoni: 21-21-04  
Kibaru Bugufiyē Bozola  
Bamako -Mali  
Dilanbagaw ni sēbenbagaw kuntigi  
**Basiriki Ture**  
Sēbenbagaw kuntigi  
Badama Dukure  
Labugunyōrō: Kibaru gafedilan baarada  
Bōlen Hake 16 000